

陶

山

詩

錄

陶山詩錄卷二十

善化 唐仲寬 六枳

三十六琅玕室集

權河庫後回金陵及吳門詩並附焉

別養筠謬

出門輒經歲晤對纔五旬此君如有意青瑤茁嶙峋雖
塵一竿碧已脫十斛塵干霄漸解籜浥露方浮筠胡爲
館亭主反似郵驛賓倣裝一回顧迎風如笑人低頭儼
欲語含意俱未伸人言官待次安能甘長貧鬱鬱久居
此未免愁苦辛捧檄催上道那復嗟勞薪豈知坐無事
小院日幾巡栽花引翠蝶開池種紅鱗移床就檀欒步

屣忘簪紳蹙蹙未敢辭猗猗常自親小別付園叟守護
芟荆榛

自題三十六琅玕室

養筠筠長千尺竿瑤林碧樹森繞欄飽看自得清腴味
飢驅不羨華廬官飛檄催行渡江介攝職從政臨河干
但恐淇園伐薪楨那得書室開檀欒一入衙齋翠靄合
忽見牆畔林於攢時當四五月煩暑恰有三十六琅玕
巡檐細數魚鱗蹙移榻靜對鶴羽盤縱橫幽砌延暝色
錯落虛窗生曉寒小閣風來戛蒼珮半空雲動翔青鸞
若非此君有夙契安能到處如古歡暫時心賞尚欣遣

何況手植供眠餐傳語及瓜便返舍舊窠時時報平安

詠古三首

曾子有淑母教育成大賢迺以愛惑聰投杼且踰垣慈
父如吉甫誼辟如周宣由來聽讒者非必好惡偏不信
虎在市其如蠅集樊設身處其地恐亦難舍旃所以畀
有北專責萑菲言

譖人亦勿責君子責在已木腐方藏蠹脯羶因附螳果
能慎微疑何慮銷積毀邯鄲袖楊楯新息誤惹茲况以
口致戕無異肉生痕阮公雖放達與人無藏否反躬思
自全當從慎言始

慎言可寡尤謹身庶鮮過木訥固近仁
躡蹻亦柔悞厚貌疑深情爲諛當立破
澤麋蒙虎皮往往遭痛挫止諛在自修
無辨更無情浮華市人憐清貧賢者賀
忠信苟無渝人言藉磨礱

題黎湛溪河帥見山圖五首

本名逍遙觀化圖

莫山全底續觀化已忘言趣愜東籬菊
神遊北海鯤峯巒若相識車馬自無喧
瞻視同寒素翛然秋樹根

傲霜還拂暑意在有無間巖暎芝眉碧
衫分蘚石斑清風仍北牖爽氣又西山
心遠原難測高文足解顏

圖寫采菊

東籬下悠然見南山而手持白羽扇似非其時自撰七測一篇詞甚美瞻

妙解連山易旁通治水經象因占小石功足補繁星發
令未三甲成書取六丁清嚴獨觀玩點露一鐙青

公方注易

六爻逢吉利五品辨剛柔地防齊山固天機與目謀逍
遙真物表櫛沐亦風流手版看雲近相從讀九邱
咫尺聞慙眯目丈席喜披襟瘦見秋山骨寒堅晚節心自
憐偕杞棘長願託嶽岑倘荷蒲葵贈仁風播遠林

重題淮海張觀察蓮舫垂釣圖

記得題圖已五年作圖更在十年前重來却喜苔岑合
紅藕花時共一船

圖中人是少年顏辛苦淪連鬢小班笑我枯荷餘露葉

不堪照水徧霜管

采采蓮花蘓蘓竿一絲風靜在河千河魚入饌蓮充豆
潔養看君補夕餐

偶然宦海聚浮萍短榜西風又水亭湘上漁砵涼月滿
幾時歸擢綠烟汀

權河儲觀察卽事五首

貧與歲俱進本不名一錢忽聞權筦庫廉從皆欣然疾
行猶覺緩飛檄促使前其時尚首夏蒸歊異往年我豈
內熱蘊天以酷暑煎官祿有常經於我何加焉素抱默
目靖清風上淮舩

視事檢簿書專司在財用水衡謹出納焉敢問餘俸況
當黃奪淮糧艘勞輓送憑藉金錢足鼓舞役夫衆伏況
正未平秋防更爲重秤水識消長備物覈衡從有智嚴
挈瓶何心喜踏甕

歸雲復出岫倦鳥未還山時自媿蛛隱豈尚爭蝸蠻如
何鴟鴞輩欲躋鸞鵠班鳳凰雖慈物鷹鷂敢容姦當其
得意時飛翥空塵寰一墜鍛羽翮搖尾涕潸潸鵝雛任
爾嚇雲端安可攀

受替已有期替人忽夜至在官思其憂胡乃爲圖利三
月稽探支已逾十萬計此猶無事時撙節且循例一見

新漲添大小咸惴惴突聞蘭儀間汎濫不可制漫衍入
洪湖南河亦警備既有震隣憂彌懷衣袂戒

昔讀溝洫志不解賈讓策游陂太寬緩歸墟誰與迫近
讀行水鑑設防自禹迹注易今節使於艮悟小石以之
代薪焚金隄久乃積我從河上公畱爲幕下客文書忽
驟更科場反爲劇承乏屬閑員安敢辭行役

過龍潭驛

錯姪曾爲龍潭司巡檢近得凶耗

去年春過龍潭驛長兄攜手登丹壁夏中載過痛令原
料理諸郎奉歸帟今年新秋馳傳來觸目傷心泣衰魄
昨朝忽接耿蘭報猶子又作泉臺客父子相繼難招魂

骨肉生悲況宗祏一命初除龍潭司三月已解棘入籍
方思釋服仍授官豈因風木赴窀穸我宦江南廿餘年
惟汝相從無間隔小別今成永訣期孔懷更愴已陳迹
西風鴻雁將雛飛蒼茫但見蘆花白

送尚衣延淇園入覲次孫繼圃制府韻

占水軒開畫舫齋春光曾共照無涯重來得月飄金粟
正好朝天上玉階三接定看華秩轉九遷難遣勝游
偕對揚惟有詩千帙淮海船頭自揭牌

新刻全唐詩善本賁呈乙覽

次韻朱謙山孝廉鐘見訪不值寄懷二首

論交十有五年來懷古情同上吹臺

謙山善詩古文

西向直窺

雙闕笑東之欲障百川迴法嚴魯鼓壺中算聲出周鐘
篆上枚見許文章參一席商量此事樂銜杯

肺病頻年氣未蘇致乖倒屣失鴻儒捧符况值袁江隔
挾卷偏愁蔣阜孤細讀草元知吐鳳自憐衰白怯啼鵠
選樓無句供蒐采但願全收鐵網珠

謙山續刻
湖海詩傳

題潘周士 文沼 桃溪漁隱圖

碧井先生之裔孫篆法辨疑石重刊

碧井名巒婺源桃溪人嘉靖時官荆

王紀善周士遠祖也所傳播藝林識字原三百年後揚
著篆法辨疑今重勒石

清芬汎汎桃溪環屋門日坐磐石觀其瀾念昔先民垂

釣緡臨崖如見盤膝痕桃花紅雨偶投竿志不在魚在

討源男兒弧矢離鄉園童時釣遊矢勿緩圖中意態何
安閒柳陰飛鷺欲忘筌譬彼作書心手嫻古趣真窺鐘
鼎文桑梓恭敬古所敦此圖合與篆石存

以湖墅田抵債二首

宦遊江左樂民和願築菟裘向澗阿卜宅一廛依北郭
買田幾棧學東坡租船計可供饗粥逋客終難守薛蘿
陽羨當年還舊主豈容負郭有行窩

劇甚詩逋與酒逋料量囊橐盡錙銖一樓卷軸猶詒子
百畝犁鋤不問奴官到無田當轉計帥仍有債尚追呼
尋常那得臺堪避欲買扁舟汎五湖

題施益堂

應謙

柳溪漁隱圖

胡公來言少施氏翩然相見欣倒屣手捧尊甫北山集
授余雒誦想風軌情性惇龐氣慨慷不以詩名得詩旨
君承行誼爲箕裘更饒風雅出城市逸興蕭疎託漁竿
寫作柳溪行看子柳陰深處聞欸音船頭獨坐空雲水
世人市義多釣名君家隱德無虛美不然君才足經綸
何渠浩蕩鷗波裏莊騷各有漁父篇他日作詩定如是
宦帆逐浪三十年漢南老樹可知矣胡公歸去邈良朋
願君擢向門前儀

六十七初度車秋舲蔡曼受周與香師雲舫邀同

胡黃海遊盍山設伊蒲饌因上清涼寺登翠微亭
雨香作圖秋舫以東坡陪歐陽公讌西湖詩韻同
作見贈余亦依韻奉謝

招我嵯山晴餐雪挹我西山曉拄頰乘興直上翠微巔
環擁江光助采烈秋空無雨亦無霜名藍掩映金焜煌
衰齡怯寒恰逢暖窮巖登眺喜欲狂人生胷次苟無惡
何必修仙求大藥苾芻頗解文字禪禽鳥但知山林樂
餘霞照酒波鱗生醉隨歸樵趁月明松篁夾路發長嘯
絕勝擊缶彈秦箏

菊花四首

聞有菊花田臺城左近邊青精山頂飯黃葉隴頭阡谷
汲逢三叟金穰徧百廛道童相導引踏破萬團煙
界以碧桃蹊橫當野菜畦落英高處放敷藻望中齊澹
入秋雲蘼香滋曉露泥平疇好結屋漉酒日扶藜

無計學園翁因思藝數叢棟花爭種細論價儘囊空手
擘連根土肩頰護葉籠南山迂歸眺不覺到籬東

三徑迫牆隈曾無小圃栽分將磁斗貯疊作錦屏開念
我生同物對君時舉杯從知霜下傑林壑已初胎

賦得雁來紅二首

以來紅二字爲韻
童子試帖補錄

紫塞商飈候雁來銜將霞采照蒿萊染成秋色參差見

賽過春花爛漫開，頗耐鶴傳宵露冷。不隨鴉送夕陽，
遊人莫道丹楓豔。落木蕭蕭滿碧苔。

洞庭波泛鯉里風，盼到衡陽芳信通。早占樊桐么鳳綠，
宵輸閨苑杜鵑紅。書雲綵筆傳應徧，酌月酡顏訝許同。
似展丹青新卷帙，何須柿葉學雕蟲。

自題老少年行看子

老去誰能更少年，不如佳卉轉秋妍。還丹難駐紅塵貌，
慘綠曾題錦字箋。臙得霜髯添畫頰，空教霧鬢笑華顛。
矮籬似有人招隱，小草中還遇絳仙。

五百鐵羅漢九言歌

在普德寺中明劉瑾所鑄

得阿羅漢果者五百尊具體如來金剛不壞身誰能梁
州鐵重十萬觔千錘百鍊化出衆應真云是勝代不軌
之桮人自畫蟒玉朱袍擁纛韃欲造犀渠鶴膝弩千鈞
蓄之梵宇將毀爲勁軍嗟乎桃梗土偶尚有神況彼瞿
曇安肯助波旬一朝妖腰亂頤散鬼燐錚錚鐵漢至今
堅嶙峋秦時銷鋒鎔鑠以愚民十二銅仙辭漢猶酸辛
迺敢包藏旣心爲詐諼真成夏鼎誅殛罔兩魂明祖曾
樹鐵碑於宮門魁柄漸移東廠由子孫炯然金鑑豈獨
在寺閣卽此現身說法是我聞

哭祥孫厝棺處

十七死與七十死死有遲速等死耳彭殤一致了然矣
獨憾爾纔十有七催我六十七年紀果然與爾同歸我
亦喜無奈爾已不復生我生未遽已徒令老淚汎汎不
能止死者有知無知我不知我哭恐爾亦不理爾父厝
爾棺於此意欲改從爾母棺祔葬爾曾大母之山趾我
過雨花臺隨俗焚錢紙紙錢忽化白蝴蝶飛逐飄飄落
葉風吹起

楸連理前軒落成四首

攜家久傍謝公墩未信能高駟馬門老樹自成連理幹
新泥聊補舊巢痕非關造屋依喬木且喜開窗面小園

閒步庭除清樾滿枝頭皓月正臨軒

蓬山幾籀養浮筠相伴交柯玉樹新百益盈筐初釀酒
三間列座好畱賓但期腰脚誇常健那有亭臺頌美輪
封殖尚堪添小築何當十萬買芳鄰

深林祇託一枝安無意經營改舊觀藏得煙霞根抵大
除將風雨室家完濫巾北岳銘先勒寄跡南柯夢未闌
慙媿散材超物表投閒猶自說居官

寒條帶雪弄晴暉愛日春光上板扉街外騶呵愁客至
檐前鵲語喜兒歸僑居眷戀桑三宿宦沉蕭森柳十圍
倍憶草堂餘某樹先人手種隔林扉

次韻王簣山同年登北極閣悠然臺留贈汪朗園
之作卽贈朗園

悠然臺余所題額

此臺本合號超然爲見南山接遠天閣士三重依極北
江流萬里落窗前高人自結宗雷社名上難求李郭仙
我亦未逢同馬岌畱詩青壁讓渠賢

題詩僧嘯溪秋林行脚園

詩宗法界有緣因也向三身悟十身華畫能傳無住著
惠師乃是不羈人水田衣稱雲雙足古錦囊隨月一輪
况復丹青兼煮石都從白業出紅塵

次韻朱謙山和聯司馬送竈二首

却老僊緣隔幾塵但憑封事達金宸頗憐久客容黔突
累歲于役今年始還金陵度歲却使殘年患採薪縱爾有權能暴富顧
余無術解醫貧芸生祿命歸司命合遣春風雨露均
丹青敢望綠章通餽粥甘心守桂叢苦憶卿如羅友送
更逢客與子雲同筆端烟火由來埽床下聲聞我獨聰
讀罷九歌呵壁問勉爲變弄曲難工

迎竈二首仍次前韻

騷除鬻金望清塵午夜朱衣散玉宸獨對上天無媚骨
須知下界有勞薪朝回尚帶前宵醉春到能驅往歲貧
銀燭歸來新氣象咸池晞髮賦靈均

下情知向九閭通內省深慙過已叢旗仗窺君顏有喜
瓶尊謀婦福來同庭燿可信前無煬室諱還宜聽弗聰
萬戶炊煙凌曉起一齊果腹付神工

王湛泉觀察有和楸連理前軒詩四首依韻奉贈
擬結朱陳共一邨爲吾先壟近粵門庚禾昔日多謠思
丙舍孤雲有夢痕乘下澤車堪守豕種南山豆好鋤園
會成二老間來往山徑無須駕鶴軒

歲寒盟已訂霜筠傾蓋非同白首新僑寄道南俱有宅
過從巷北迭爲賓登山腰腳憑籃筍臨水襟期指釣輪
汶上求田他日事且依王翰作比鄰

當年假館暫謀安
廿載棲遲轉瞬觀
晏子宅非更爽塏
叔孫牆自愛修完
拓檐放竹干霄上
埽徑移花倩月闌
環護樛枝嘉樹古
閱人成世傲蒼官

書堂新購似芸暉
密邇瓜廬望曉扉
江令段侯君莫問
吳頭楚尾我當歸
風流別墅誇裙屐
雅詠東陽減帶圍
肺病逢春漸蘇息
看梅相約踏煙霏

題呂湘漁英山居課子圖

庚辰

不經行旅愁不解
山居悅不諳讀書
深不思課子切出
門豈爲買山貲
燕北粵南徧舟輟
頭白倦遊歸故園
點檢故書尚陳列
藏之名山傳之人
幸而有子皆聰哲

燈黃卷爲箕裘鸞鳳之優虎豹劣先生環顧興自豪所
喜承家見風節一洗從前染衣緇不逐當時炙手熱雖
無華屋與良田豈必高官並時傑人生適意耳富貴何
堪說樂志無殊仲長統式穀況有河東薛第四橋頭獨
瀟洒三高祠畔真芳潔自寫胷中邱壑情絕勝黃金滿
籬兼閱閱

題瞿遠邨小園春憩遺像仍用己未年讌綱師園
原韻二首

曾共賓朋詣鄭莊園亭高會引杯長簣簪碧上三重閣
茵蔯涼生泮畝塘此日勝遊無舊雨一時名藻有餘香

劇憐簿牒叢中句也與芸編什襲藏

濠濮傳神魚鳥親倍懷投轄夜畱賓流光彈指驚陳跡

戢影撚髭感故人重見春池生夢草

謂其弟拍
農運副

自慙宦

轍轉風蘋平泉堪信詒孫子廿載情懷展卷頻

瑞雲峯圖

太湖石在

行宮內陳宜亭尚衣屬題

何處飛來第一峯莫釐縹緲碧芙蓉洞庭三萬六千頃
結就雲根潑翠濃

重若邱山轉萬牛無端入水又能浮不隨良嶽誇奇巧

七百年來供

豫遊

持節南來愛護深
瞻雲就日有同心
我從屹立呼袍笏
讀畫還疑竦百尋

題詒穀圖二絕

爲葛倣南雨田

經訓舊畬得歲豐
傳家事業等農功
知君積有書田在
不比多牛足穀翁

禮耕義種定逢秋
眼見嘉禾秀滿疇
有穀自今詒後遠
請君更上稻孫樓

題翁海邨

廣平

詩文稿

隻輪直上岡崔嵬
徑造奇險不駢回
一絲裊入天茫昧
力湊單微不旁貸
瘦蛟舞浪魚兒藏
老羆當道貉子踰

足跡欲種出六合眼光已睽窮八荒日往月來不可逼

獨向溟底攬合璧蛟宮蜃樓不可招獨從嶠外接神囂

夸父追日徒爲耳法善袖月何足喜衡山之雲登州市

千年乃有海邨子

翁有海邨子歌甚奇

不與雞林賺金帛

翁作吾妻鏡補

長崎人買之不與余爲刻入傳疑集

長依馬磨攻文史十鬣難乞于思周

翁不蓄鬣詩引沈周募鬣疏云向周宗道於于思之中分十鬣

半仙奚異赤脚李

翁有李赤

脚號半仙傳

顧我日坐寰瀛圖愛君非徒山澤臞海外文字

急鋟版爲傳倚相與戎夫安得盡刻等身著作八百卷

懸諸國門以爲學者探奇發微書

京江守風二首

我本閒曠人來往無程限官不佩腰金衙亦持手版開
府各行省僦屋非舊館期會偶然來遷延旋自返燕栖
無定梁馬戀只空棧詎意風作劇故使舟行緩江神如
有意知我素來懶解維一入城趨謁少休澣何如隔冠
蓋且自把壺瓊牽舩住亦佳行路難奚晚願爲張思曼
休賦鮑明遠困之生繫獻安得長散誕

時平容冗材身拙希微祿雖未膺職司頗亦媿章服羣
才重功名每事營薦牘驚心在旁觀袖手乃當局今年
築新隄豈不憂故瀆寵榮所不加計畫誰爲促私者公
之害福兮禍所伏致遺

宵旰勤深慮閭閻感江淮費疏排卿相勞櫛沐人心若
奔河世事如壅谷治水先治心去害當去欲我非禹貢
通曾取箕疇讀無才堪措手有事徒蒿目不如五湖舂
浩蕩輕鷗逐

次韻王湛泉同王簣山登燕子磯二首因懷簣山
同年

不是詩人不許攀故應塵步欲追難鯨波捉月真山骨
燕壘乘風古將壇雨爲攜樽畱坐久山當著眼帶雲寬
命憐蓬轉吳趨客那似筇枝筍擲冠

此會余因往
吳門未與

赤繳懸空劇暑風相逢氣稟辨難雄

近日
酷暑

未知河朔幾

人在

箕山轉
漕北上

却說桃源有路通

滎泉將進暑於清
涼山之小桃源小子

懷依宰木切先生吟到石樓工角巾儻遂東歸志便約
粉榆里社同

次韻聯玉農司馬二首

爲讀君詩喜欲狂才華筆陣兩堂堂誰將結綠求和氏
但相驪黃豈九方畢竟謀身難跌宕有時藉手莫迴翔
媿無大力相推舉漫說詩昌道自昌

我亦無從乞左符渭城停唱笑心麤豈緣王粲登樓感
頗與梁鴻賃廡殊三徑未成依北郭一官如寄滯東吳
日來酷暑侵羸老憑仗清風著意扶

錢之涇州詩以勗之

豈不憐少子忍使絕裾行豈不念遠道而無離別情小子固薄植升階覲

天廷乞假來江南省侍得趨庭十年一申慕數月難登程但膺上官薦業被

朝家榮及時不圖効問心徒屏營況吾未辭位筋力猶支撐爾母亦健飯期爾在顯名涇州又繁苦畏難招譏評惟當駕單車徃治邊氓邊氓自淳古相待宜真誠徭賦未可蠲當思薄與輕訟獄未易息勤求貴廉平僚友集羣益士子習諸經斷無隔膜視先以正身令毋過

飾厨傳仍善事公卿匪懈慎不敗弗矜誰與爭成務戒
得意守身勿搖精千里如膝下勝日奉三牲行矣盡厥
職無忝爾所生

題青溪流鵝圖二首爲王湛泉觀察

烏衣舊巷傷秦淮芾舍聊容畫舫齋老屋三間歸未得
新林九曲住爲佳扶筇放眼吞奇景磨盾掀髯吐壯懷
却笑圖中添一老翠微許我拍洪厓

發源鍾阜滙青溪君住東頭我住西塵鞅自憐朝聽鼓
吟牋甘讓夜燃藜棊從謝墅看雲約酒到孫樓待月攜

無那鳴騶催上道一川鷗鷺戀幽栖

時又奉權
臬司之檄

陶山詩錄卷二十一

善化 唐仲寬 六枳

琴月山房集

三權江蘇臬事

讀書未熟況讀律平生頗耻爲刀筆臺省屢薦刑名諳
權陳臬事一再三事至於三益凜凜如久涉江怖益甚
儻於案牘疎權衡小民上訴難安枕非緣利害生疑慮
正恐情理失精審人言掇生不掇死求生不得乃無憾
禮樂養人刑殺人擇術當慎仁不仁禮陶樂淑素所慕
多媿虛聲違我真但願循資得除目不然便返吾初服

次韻潘榕皋農部年文齊雋題松因圖

榕皋先生夢與余同遊峻嶺余先躋其顛先生從之
上有古松蟠鬱園亭脩雅先生以示余爰繪爲圖先
生題曰松因繫以詩因次其韻二首

至人本無夢夢則斂巖局齋前三蒼髯飛上列仙庭揖

翁凌石磴紛披瑤草馨翁今赤松子益壽非參苓翁號三松

居士年八十二何期挈塵鞅先爲歛山靈忽聞孫登嘯屐齒憶

曾經夢中見園叟自言孫姓

長者與提攜相從操几杖如何輒先登豈以因成想老
人期敢後此生著幾兩高尚廿餘年抗跡雲霄上皓首

猶自役青壁奚由訪詩夢何時圓
磬欵發鐘響

次韻黃錫山明府見贈二首

時以長垣令
轉銅來蘇

握手胥江渚如今十數秋
牽船依往步聯襪睇吟眸
星以乘輅接雲宜解榻留
金閨名勝地能得幾回遊
鼓鑄方持算蓬窻蹙寫裝
客情宵聽雨歸計宿春糧
遠水添秋漲新晴破曉涼
頭銜空自轉話舊語偏長

次韻錫山吳門留別二首

弱冠文窻首重廻最憐衰白獲趨陪
衛生茸客聯珠履
釘坐蓬仙帶日來
見鮑鹿茸
杏仁故云珍品分攜君所惠
清詩屬和我無才
剛逢八月槎初泊不分江干畫角催

皇華往返道倭遲白叟黃童正爾思
船重運河防守凍
官貧資斧費探支
佇看報最登三輔
多謝扶羸飲上池
行矣虎符新肇錫

君易名湘虔應舊夢虎頭之兆

重逢定協巨卿期

題顧秀野先生紀

恩遺冊三絕句

軒皇時邁訪才賢名士承

恩御舫邊未到承明簪

筆日先書

寵遇冷金牋

同時被

詔尚儒巾著作他年各等身都是韓門高

弟子

玉音褒許讀書人

冊帙留遺翰墨香子孫鄉里有榮光爲言藝苑勤稽古

聖代登崇在俊良

題餽山課瓜豆小照

種五色瓜美如飴種一頃豆落爲其東陵南山不必問
人生行樂須及時無飢無渴采冰谷不老不疾餐傾籬
異種本自蓬萊得引蔓收稻皆等夷君今胡爲寫此照
欲求老圃以爲師豈緣煮粥咄嗟辦匪爲烹茶留客遲
獨坐亭陰有清課盱衡物理非越思最難食棗瓜相似
見說種禾豆不滋汜勝播於辰日合呂覽食與午月宜
呼童疏根荷鵝觜汲泉澆葉擔軍持百畦旆旆先藝矣
幾稜縣縣已生之筠籃佇看園丁送羹糝將付竈婢炊
不耕而穫以可倖非種當鋤我自知奢望固如動食指

計功何殊觀朶頤宵人撒屋逞狡獪君子納履戒嫌疑
作圖之意通於學方寸爲田日修治作圖之義通於政
阡陌有畔防偏私數灌能歡楚邊界半菽不憂鴻隙陂
治績成應賡采菽公程到此記烹葵顧我少乏辨麥慧
與君曾藉鎮心醫瓜剖豆分多契闊噉豆浮瓜樂追隨
自慙但賸廷堅面堪羨猶能子建詩投以木瓜缺瓊玖
進之盤豆惟黎祁讀君畫譜君詞十年握手又歌驪知
君種德方未艾信君課最合在茲却笑七十老翁還戀
棧君行我亦及瓜期

題嚴問樵解元

保庸北遊草

仙才領解上春闈
帽影鞭絲信筆揮
氣挾幽并劉越石
詞兼騷雅謝元暉
采風記類黃車使
觸景情深菜子衣
我憶廿年隨計吏
小山至竟未言歸

寒吟

九九消寒會分二題

煩熱情懷一筆刪
凍雲擁鼻韻珊珊
何妨縮手又於袖
未免搖肩聳似山
濤湧孟郊清在骨
律吹鄒衍暖生顏
九天咳唾皆珠玉
不比號寒四壁間

寒蔬

生計端宜學灌園
經霜菜把佐朝食
頗含辣性香留甲
獨抱冬心淡到根
藏甕味須求旨蓄
堆盤節已近飢盆

靖嶸歲事難消遣且共冰壺倒一樽

題蔡曼綬西山丙舍圖次其父竹蘭孝廉韻二首

百年窀穸占山村新感梧槽口澤存啓壙綬徵虵入笥

壙中赤蛇無數倚廬芝獻鹿當門善承母志能娛父共勗兒曹

更蔭孫克紹君家園冢順瀧岡他日荷

朝恩

慈雲岱麓護林泉遊子行蹤蟻磨旋桑梓路遙難記里
松楸禮闕又多年我慙丙舍烏啼樹君戀春暉草滿阡
下瑞生祥由孝友底須折臂卜牛眠

庚辰歲除祠竈二首

及瓜將得替越俎竟成真素飽材方忝寒庖氣已春難

求方却老豈爲熱因人獲福非由媚心依正直神

非藉綠章達奚邀絳闕恩大烹占受鼎

元旦筮遇鼎之九三

具醉

獻盛盆家倚嚴君重星推司命尊拜陘無以報飲水自思源

辛巳正月八日因奉

簡授閩臬交替赴

闕留別吳門四首

春風被草木敷榮及枯朽旭日上高樓容光耀窻牖噓枯榦已綠照窻室無黝朝槿華易謝燭火燄難久風雲會有時露電復奚有士苟困蓬壘誰言好身手豈知道

能貞無憂時不偶榮寵非敢矜何以禽

高厚

好鳥不歸山飛鳴神弗王受祿不及親空言事追養鮮
民感風木筮仕已悽愴差幸脊令原孔懷得和暢季弟
忽早逝哲兄近復喪前年攝外臺對床酌春釀今雖荷
新除欲語復誰向天末聞孤鴻臨風發悵悵

人生非鹿豕安能常羣聚遊宦本浮雲信美非吾土而
我來吳會歷官如倉庾臭味無差池情意同肺腑交遊
三十年子弟成父祖今當遷他方那堪別如雨詩章爲
瓊瑤禮義爲干櫓雜贈無以報永言藏胸宇

魚環沼中石游泳日千里鶯遷林外枝舊巢亦集止因

之告僚友回途必由此友言君爲客實自今日始皇華
或見過信宿即行矣但願簡在心眷此東南水單
車儻重來蔽芾若桑梓我言媿叨竊無以謝誨教相期
各努力仰副旁求旨

自金陵赴都道中口占四十首

追趨

魏闕爲求章

宸翰親題許對揚格是園

林春乍暖小梅先放一枝香

祖筵詩思倩名園手折南枝送北轅記取巡檐問消息
清涼山下小桃源

倦遊欲泛五湖船問渡京江近卅年今日蒙

恩還

擊楫衰齡勉著祖生鞭

文選樓頭月二分倍懷賓館共論文

乙亥年在唐文館修書當時

若作南飛鶴此日何慙鷗鷺羣

黃流順軌十餘年都說河隄使者賢試問舉賢誰最力
尋源鑿空是張騫

日出煙消野氣清天邊雲作綠波橫朦朧車上還鄉夢
恍在湘江江岸行

荒野宵征有戒心前茅兩隊出深林使君徧召流庸食
又慮行勝暴客侵

邳州道中

糜粥嗟來日萬千奔波遠近路喧闐皆吾赤子休分畛

春雨生時好力田

霧中山是夢中山行盡江南水一灣忽見峯巒天際出
四圍雲樹碧連環

桃花橋似古圯橋橋斷津源問路遙不羨奇書黃石授
欲呼漁父爲停橈

賣酒湖邊墓姓劉平生一頌足千秋婦言莫聽非緣酒
痛飲心傷哲婦謀

過晉建威將軍劉伶墓

昨宵漑釜烹魚風味微山湖外湖欲向湖邊謀小住
雞鳴騶子戒征塗

山脚橫拖野煙綠樹尖先受曉暎紅蒙茸尚怯春霜重

柳外青帘到眼中

沿路溪流送遠津柳初黃處一痕春官橋二月多煙景

何必花開白似銀

過滕縣

風猷偉望漢名儒賴有豐碑志路隅身後名如一杯酒

爲官豈在執金吾

過漢執金吾母將隆故里

田如方罫草如茵想見滕君經界均見說麥苗猶盼雨

不妨泥淖滯征輪

平楚蒼然疊嶂間峯頭戴石鬱孱顏憑軒細認雲霞表

類我髫年葬母山

兩行山色度溪津馬上看山畫不真看到千峯圍翠黛

分明潑墨米家皴

朝經滕郭暮鄒郊桑柘風烟上客袍一道紅牆齊拜仰

嶧山迥似泰山高

過鄒縣

泗水橋頭日未曛樹中列堞擁層雲秦碑漢殿知何在

春草先青柳下墳

過兗州府

暖風送客酒初醺捲起黃沙作赭雲二月春寒元太劇
吹花擘柳仗東君

岱山七十二泉源五汶同流靜不渾辭費高風真具體

中都舊榜講堂門

過汶上縣

汶水湯湯到鄆州長松千尺卧沙洲吾山昨歲宣防塞

始見牛羊散綠疇

過東平州

石徑驅車犂确行
逢人指點問山名
東來雲氣連青岱
都是兒孫列隊迎

魯人禮葬楚重瞳
蓋世何曾兵法通
笑指穀城山半石
問誰圯上授書翁

過西楚霸王墓

柳書羊茂二臺荒
神女祠邊松桂香
何處烟林清梵出
雲車入洛憶思王

過東阿縣

曉來風出土囊口
霧裏人行石谷中
若欲獨行無退轉
莫教前路有車逢

行盡陂陀曠埜驅
欲從平陸訊爲都
春風被地無芳草

可有人求牧與芻

煙村霧郭影熹微齊右風光是也非不是巫山臺下路

却憐夢雨著春衣

過縣駒故里

春半樹頭微有葉晴多溪水斷無波行人尚怯沾泥雨
隴麥將枯奈若何

到鬲難消惡督郵舊從孫楚共登樓

甲戌入都孫淵如糧道招飲署中遇

雨故人風雨何堪憶問渡斜陽衛水頭

過德州

陣雨晴雷月半銜迴颺侵曉冷春衫風聲入樹如潮湧
人挽車來飽挂帆

錢室金堂舊已荒猶疑古屋秘文藏茂陵不下求書詔

那有遺經獻獻王

過獻縣

千里相逢話呂安旅窗翦燭夜闌干知君雅有還山願

鷄薦方新引退難

過河間府遇呂叔訥大令

問路每親雙隻屨披衣須審朔南風鄭州城外隄千尺
人在春陰水氣中

趙北春波似淶江臨流便欲駕輕艚江鄉風味憑消遣
鮮鯽登盤酒滿缸

記得同衣慘綠時此間放艇共題詩句吟塵面思茗雪

今日追懷向子期

弱冠同王嵇伽黃陂山亦吾應京兆舉過趙北口上小舟嵇伽有句云幾

年但剩風塵面今日翻思茗雪遊今嵇伽亦吾皆已歸道山矣

春雲墮地欲爲雨春水黏天不起波嫩柳入雲同一色
輕鷗掠水見微渦

莫言春半暖風蒸多檢衣裘着兩層怪底昨宵生肺病
白溝河畔有寒冰

五夜驚呼天已明叱騶聲裏踏雲行虹梁載渡琉璃水
萬頃瓊田達玉京

過涿州遇大雪

入

觀紀 恩八首

恩波解凍起沈淪敢以衰殘惜此身一路雪霜寒入肺
九霄雨露澤生春願誠請急趨持被 霽色垂憐問

採薪拜稽仰窺

天咫尺

太和在抱志如神

作吏曾無分寸功粹膺

特達媿愚蒙優容筋力行

將老獎藉官常在匪躬日照月臨瞻視外春溫秋肅

訓辭中感深載見忘衰朽

覆育孱軀淑氣融

先皇除授舊隨班今拜

新綸殿閣間鶴語永深同

軌戚烏號願共小臣攀

許隨豹尾瞻

神籙語

到

龍髯慘

聖顏親仰

文謨由

善述

況推日月近

橋山

令節清明

禮壽皇

永思宮易縞衣裳

一

人孺慕追虞舜百辟儀刑奉

武湯擎跽倍懷通籍後

駿奔容綴外曹行空垂涕淚

雲天表忝竊何能

稱對揚

主臣枯卉被春暄賤息重邀

詔旨溫

鑑兒需次員外蒙簡

授粵西知府

遽起銓曹除典郡頗嘉儒素屬寒門義方須善

承家教式穀方爲報

國恩

聖訓因人加策勵

赧顏前後拜

臨軒

尅期回轉道途諳

宣室趨辭荷

點額預束歸裝

當下九載頒珍餌自重三身心受祉衰能健父子叨榮

懷更慙奏乞官箴宣

德意六千里外受

恩覃

帝曰往哉閩海邊轉移風氣臬司權去其甚者羣相戒

務在安之久自遷擇吏惟良嚴簠簋和衷共濟佩韋弦
不期速效期成績祇受嘉師敢卸肩

感槩華顛受

主知致身還懇達烏私少年葬母牛

眠地間道焚黃麥飯時

垂問先臣清白吏

准

寬三日往來期

聖人錫類光泉壤小草難酬

大造慈

奉

命之官自都至金陵口占四十首

八年重謁建章宮襍被神祠

紫禁東午後書思渾

不寐觚棱回首曉光紅

如含瓦石本無能

天語翻將刻苦偁莫道遭逢啖

蕉境黃花晚節更冰兢

退食私情

許薏溫還從子舍抱雛孫兒童盡解承

恩重襁褓懷中笑語喧

都門朋舊感晨星

敦諭趨程馬不停出入春明才

半月杏花全白柳深青

擊鼓村村雨欲飛行人思瓦作油衣夜來露足朝仍霽

叱犢驅車雨不違

交河北靜塵沙開徧村郊桃李花麥氣柳陰相映帶

分明五色赤城霞

春陽亢厲氣難調眯目飛沙風更驕此去岱宗三百里

望雲觸石雨崇朝

紆塗上冢度鹽河柳絮榆錢逐路多行過榆山棠蔭地

雲端遙認鬱嵯峨

山在平取道赴陶山

下馬祠前帶晚霞逢迎族子并隣家墻垣棖桷皆完整

春色盈門四照花

祠內牡丹盛開

晉腳登山老更顏兜輿扶掖上崔嵬墓門松柏如人老

風木何堪偶一來

少牢饋食敬鋪筵親缺烝嘗又七年遊子何時依宰木

山村空自置圭田

耿老傳經一宿儒李公高尚樂桑榆南鄰北里通來往

自笑風塵面目臞

祠鄰老諸生耿居敬致仕州牧李杰龍相過從

欲以松楸托令君蛇邱往謁話春雲書生年少風猷美

三月人稱長吏勤

肥城令劉字昌頗有賢聲

拜離丙舍似牽裾寸草春暉日益踈取道出山歌四牡

驅車人已近懸車

行隨汶泗日東流水繞山環到兗州齊魯舊遊同井里

每經雙堠一迴頭

夜雨霏霏未浥塵峭寒凌曉欲侵人日來天氣如深夏

綠樹陰留不盡春

一宵一晝雨如油小麥青青大麥抽行客衝泥褰短幔

遠山如畫入吟眸

風塵乍喜見檣帆
遲渡韓庄曉日銜
問附糧艘人到否

家書先寄一封緘

缺兒附糧船來葬其妻
子未得見先寄以書

江南界接齊滕遠
淮北津通汴泗重
取道彭門猶隔水
四圍山色似雲龍

河隄高壓古徐州
利涉今看漈漈流
廿四年前兩于役
斜陽遙憶上黃樓

夜深急雨過彭城
曉色蒼蒼不礙行
隄畔踏殘垂柳影
晴霞飛出遠山迎

濕雲出嶺全遮樹
密雨漫空半化烟
鳥語競呼泥滑滑

馬啼猶戀草芊芊

宿州城北紫山橫
宿州城南綠野平
失喜新晴正亭午
絮雲起處箭輿輕

古渡滔滔問穀陽
泗濱交滙駕浮梁
人言此地多佳石
何處方流玉磬藏

恭承 清問切民胞
振貸紛綸徧野郊
蘆葦鳬鶩同
蔓草麥田萬頃遠風交

滙河晨濟水無涯
澤國頻年竈產龜
一自河平田涸復
不須鼓櫂到臨淮

濠上津梁欲駐驂
觀魚魚自樂深潭
勞頰似我魚應笑

附山言金卷二十一
魴鱖傳書苦未諳

窻臨濠泗古郵亭歛乃聲從枕畔聽明日進山行詰曲
羨他湖海任揚舲

合璧連珠太史占

聖人德盛意彌謙江南道上豐

年兆百道非烟挂樹尖

四月初一日事

池陽景物足儲胥野有牛羊水有魚便向磨盤山路轉
蔚然深秀盡環滁

行山欲出又山包麥隴秧田半在坳日上林霏沾客袂
山花紅處鳥咬咬

羣山迴互隔長江關隘呼騶氣已降前度役車經二紀

披雲難覓舊題幢

嘉慶丁巳年轉餉過清流關曾題山寺

一戰南唐失地形
清流關自鎖巖
扁行人莫問千戈際
且訪歐公豐樂亭

到江巖壑繞成圍
轉出山城衆綠肥
溪上烏犍閒卧午
墻頭雀啄野薔薇

浦口城頭四望寬
六朝山色上眉端
官遊頗戀僑家地
當作熊湘里社看

半帆風送翦江波
親友相逢問宿痾
一任草堂移驛路
蒼生今又奈卿何

載得東華九十春
小園花氣尚親人
來朝合是清和節

開到酴醾氣候新

入門便問竹平安細覓新萌繞木欄似爲鳴騶催上道
當檐齊長碧琅玕

心憐眷屬未攜將家事分排老孟光爲述

君恩延

父子勉持清儉佐官常

單車就道出郊垌揮手勞勞送客亭買權京江下吳越
三山遙指向東溟

陶山展墓有感四首

父葬衡東母岱西三千路隔楚與齊楚原族葬齊孤冢
仲子宜傍墓門棲可憐薄宦違邱壟每以遷除事攀躋

此來彈指七寒暑赴官期近催輪蹄幸蒙

給假効

展奠清晨上嶺聞烏啼親捧栳捲酌雲石紙錢飛上山棠梨

楚人葬山齊葬野舊俗相沿不相假如何豔彼青烏言
便欲侵陵異里社豈知積善有餘慶匪由曉習形家者
甚至用巫爲厭勝宅心奇衰況愈下昔吾先子政宜民
民頌神明天錫嘏容爾覬覦聽之天長睦鄉鄰護松楸
十葬垂今五十年吉祥善事何能立吾弟吾兄先後逝
猶子三人早棄捐吾家既喪三少婦諸孫殤者亦堪憐
附於祖姑自古禮一婦一孫附新阡九原有知伴孤寂

百世以享推始遷古人曾不諱歌哭土俗莫但誇牛眠
溫公鳴條親祭埽生儒辨駁庶人孝歐公自表瀧岡阡
神物幽潛贊其妙我無文章感性情那能口舌肆爭校
八閩迢迢隔三吳歲時祠祀尤難到但願人家勝吾家
一視墟墓同矜悼小子德薄不足言尚念先人垂政教

陶山詩錄卷二十二

善化 唐仲寬 六松

廉車集

別養筠移二首

百弓小圃養浮筠去住難憑况海濱
保歲寒師君勁節之官遠笑我勞薪
親朋送別猶稱健妻子僑居莫厭貧
最是關心過墻籜幾時來占戴烏巾

甚愛清閒與竹盟
簡書可畏事端征
回頭自戀桑三宿
著手從開局一枰
晚遇無心求鼎食
夜行長道近鐘鳴
微躬感激難辭瘁
羞向人言少宦情

過吳門二首

人生幾卅載遊宦忽他方父老來相問君恩往不

遑經過無信宿離思滿金閭風雨瀟瀟曲聽來別調長

執友同僚友相親若弟兄賓朋況賢達高尚有耆英得

句潘邠老

謂榕皋先生

栽花石曼卿

謂琢堂殿撰

長年催解纜後

會賦嚶鳴

過吳江縣

作宰無良政重經客夢勞虹橋雲一片鶯脰水三篙宿

草懷朋舊

謂楊慧樓金二雅諸詩人

芳祠記澤皋

謂三高祠

蟋蟀聲已遠

烟雨望樓高

過杭州二首

壯遊長入夢垂老又奔波北苑才希有南屏景奈何曠
懷之子遠虛負者番過正恐湖山鶴歸飛報澗阿
記得乘潮上桐廬指顧間江波今暗長海勢日東還世
事通其變人情見一斑不須圖便利之字水三灣

渡富春江

山隨舟宛轉秀色入蓬窻試問催征棹何如上釣砭大
凝傳畫筆小隱送漁腔帆影衝鷗上難忘是此江

過桐廬縣

客星照霄漢山水獨清奇溪采桐君藥巖聽郭叟碁攜

柑猶憶往垂釣復伊誰却笑披裘至

是日寒甚

休嫌上瀨遲

望釣臺

直到山無路方知水有涯
瀧奔牽不上巖轉去還來我
本漁竿客元非舟楫材
釣臺高百丈何必羨雲臺

過蘭谿縣

既上七里瀨還經五百灘
斷崖懸瀑布空谷發幽蘭
鴈語晴多兩松吟夏亦寒
叱羊疑入水打槩石聲謹

過龍游縣

龍邱最高隱抗節古爲徒
借問利名客何如山澤臞
戍深津吏報灘急榜人呼
緬想清風曠還思勇退無

泊衢州府

碧玉三衢水青霞八洞天不攜樵者斧那遇奕中仙記
里前峯壙迴帆上瀨船陸行還戒旦琴鶴亦蕭然

江郎石

弟昆皆化石少長若差肩高摘參辰宿奇超句曲仙我
呼袍笏拜勝讀脊令篇天外巖屏矗真成太華蓮

蘇嶺寺

蘇公曾到不嶺自姓髯蘇到頂寺門關過橋山路紆分
壙來驛使題句有鴻儒攀陟休言峻前峯勢更孤

過仙霞關

行盡之江東復東仙人霞舉與天通勒銘乘傳朱翁子
甃石塞帷史魏公此外羣峯爭截臬何年特地闢蒙茸
雲梯尚是初桃上九折王尊訝許同

浦城道中

碧水丹山路始交看山頗恐吏迎郊深溪雨過魚堪釣
峭壁雲生鶴在巢化俗交通先夢筆從師用里舍誅茅
此鄉舊說多秔稻忍聽嗷嗷歎繫匏

建陽道中

濯錦橋亭七十三朝天此路正圖南

建陽有朝天橋

未窺古洞

尋浮石尚見荒城俯大潭玉室金堂開福地桃蹊竹塢

鎖書龕探原道脉求遺蹟雲影天光到處參

夜行

數徧山樓記里牌趨程入夜踏風蘿菁林勃窣長穿窟
石磴縈迴暗躋階 盛世幸無夔罔雨荒村猶有杜
茅柴前途列炬還修阻昇轎人思繫鐵鞋

雨行

田野齊歌雨旣零星言夙駕擁筭墓石頭路滑人重累
腳下雲生晝欲冥泉挂千條爭澗壑漲添百尺響風霆
懸知米價應平減明日乘舟喜建瓴

題建陽客館

寫裝憩坐雨廉纖
邵畧開軒畫一奩
溪面奔湍迴滑笏
巖膏瀑布下珠簾
方疑廚傳煩官辦
誰料林皋獻客覘
欲向滄洲問精舍
此間小住亦清恬

阿雨窓制府
題小住爲佳

建安登舟

三日鋒車三日霖
買舟好趁建溪深
仙人跨鶴山皆退
海客騎鯨石自沈
津鼓欲拏驚電影
郵駒相逐失拏音
塵勞頗快川游捷
却爲垂堂有戒心

延平舟中

東甌九曲辰山隔
南劍三溪丁字連
浦說延津神物躍
石疑灩澦穢師眠
那無鄉思歸雲峽
豈有文才下水船

此日湖湘方競渡一般衝浪兩情偏

泊水口 古田縣境

溪山奇嶮得滄涵桂棹輕搖泊晚嵐漸上鰲峯由水口
每依牛斗望江南幽岩紫氣形仍壯小艇清涼夢亦酣
遙指海天雲霧裏待看廉石不須探

洪山橋登陸

徙向南濱見大鵬

城北有大鵬山

長虹橫亘曉雲蒸郵籤報到

帆無恙襍被攜將岸始登聽鼓隨行今日又投簪歸去
往年曾回頭爲屬篙工待春水生時我欲乘

入廉使官解二首

衙回視事報當關奉

簡趨承敢自閒懸鏡何妨三

長月

釋家以正五九爲三長月謂帝釋於寅午戌月寶鏡輪照南瞻部洲

開門恰對九仙

山但看舍宇徒寬廣正恐官曹或曠癯受命飲冰由內
熱况於毗俗未能嫻

宦况真如冰在壺田田蓮葉夾堂塗看山未辦遊山屐

飲水先徵調水符

日汲沙泉以衙牌爲信

荔子丹時頤欲朶蕉花

紅處目堪娛化民何術臻淳古風物清嘉不負吾

吳荷屋觀察

榮光

夢子贈以七律覺而記其首句

以告因足成之

萬花盈手萬山開山上花多信手栽佳氣滿山披霧出

化工在手袖春來仙人掌上烟霞窟玉女窻前錦繡堆
君是夢中傳綵筆哦成七字見清才

孫平叔方伯

爾準

次前韻見贈疊韻酬之

松夢纔圓花又開

方伯先題松因圖

恍如天上倚雲栽三生石

記前緣在二十年聯舊雨來仙籟忽聞鸞鶴韻客魂長
老簿書堆塵勞幾日黃梁熟元箸超超信軼才

疊韻酬倪竹泉觀察

琇二首

揚州舊夢畫旂開吟向淮亭萬柳栽手版曾逢瓜步外
盍簪喜向芋原來政如山立鯨波靜詩愛花明翠色堆
同是關心華屋句

謂百文敏

輸君風調壓羣才

詩成便面一齊開自笑枯松部婁栽大府放衙空旅退
小山招隱欲歸來冠纓濯向滄浪水案牘高於濫湏堆
揖別星槎何處艤萬安橋是濟川才

題吳荷屋松盤攬勝圖

泰山之高高極天天門詖宕生雲烟中有萬松盤萬古
羲軒不數秦封年少小曹騰上截臬弱冠一覽徵前緣
胸中無此大邱壑筆下空自窮雕鐫

曾著岱覽
三十二卷

斗南一

人如飛仙偶持使節凌其巔曳裾紫陌紅塵表吮豪玉
檢金泥篇獨立不畫人重累來遊但與松盤旋松花松
子落滿袖日觀月觀垂雙肩笠簷黛色染巖綠衣袂丹

霞分樹妍頂上峯巒入襟袍腳下雷雨徧桑田如此登
臨世有幾觀君圖繪心茫然投書澗曾通屐齒磨崖碑
屢攜槧鉛祇今風雨憶講社况復松柏懷岡阡先太淑人葬處
西麓陶山讀畫終朝題不出振觸舊夢行當圓便須釋紱耕
岱畎長楫蒼髯同一屨

南臺卽事三首

案牘堆於山一入何時出羣山繞城闔可望不可卽忽
傳有公事臺司共期集請循水部行直度虹梁立臺近
山而曠水奔橋更疾峯迴卻畧藏流匯歸墟吸蜃樓向
閣低鄧林輸檣密登臺騁遠眺雲水蕩胸臆

公事云如何幕府攬形勝地當海一面門擁國千乘聞
昔威南塘控制倭蠻命將領內握權弁卒外秉令武庫
如星羅刁斗若響應承平旣久長好事喜更定今得老
經猷力持舊魁柄書生但懷古欲效南樓詠

懷古自先秦無諸始建國築臺榕樹青引釣龍鱗白霸
圖亦奇偉後裔無烏奕輿轎固難踰樓船已見迫所重
在人和何乃咎地脉千載留雄鎮三山倚安宅祇今樂
耕鑿猶復修矛戟何當挾天風高歌釣鰲客

登九仙山同諸公禮大士

三山藏三山現三山不可見九仙山是三神山蓬萊瀛

洲方壺在禹甸有黃金銀爲宮殿上有丈六金身金粟
臺普陀石上菩薩面神壇香自熏古井丹可鍊藏得經
函五千四百卷六丁取將護雷電海濱本接鄒魯傳昨
俗還隨法華轉歲時暘雨及祥祲城郭史巫紛祝奠九
仙已飛昇十地猶周徧巖頂龍象法雲擁臺前瓔珞香
風扇禮從宜俗不變冠裳拜跪來禪院但願人民安樂
獄訟平朝朝我供伊蒲饌絕勝大石樽開九日宴

次荷屋觀察題雲膚萬壑圖韻二首送平叔中丞
之皖撫任

賦就霞標起赤城龍眠詩筆畫無聲封圻柱石遷階速

自郡守至開江介雲山隔岸迎此日鶴書催夏篆幾年

鹿轂課春耕攀轅父老傳圖繪海上人從鏡裏行

夙許爲霖未第時今看徧雨發華滋人因疑法平反活
代際重熙特達知敢道龍騰雲共逐誰憐羝觸路

多歧我如日暮孤烟出祇合山隈與水湄

題三百三十三士亭圖用平叔中丞韻

有序

亭爲朱笥河學士督學閩中時建每得一士獻一巨
石植於亭前凡得三百三十有三云

亭前卓石如人立石上題名署州邑月三成魄紛主賓
人三爲梁鼎什伯當年學士羅羣材砥礪摩礪盡文石

何須鬱林壓歸舟頗似平泉傳舊宅轟地森森列千巖

補天炯炯鍊五色化爲星宿羅心胸儼若弟子環几席

前賢佳話二難并石君相國繼笥河爲督學後起芳踪四美集枕流

恰遇孫子荆平叔先題一詩額俊今屬韓安國謂今督學韓樹屏副憲我

憐日夕達嘉肺那敢鑽研近奎壁徒倚軒畔松風清摩

挈雨後土花碧更讀王宰舊圖畫欲學米顛齊拜揖石

從海上湧三山人在樓頭高百尺試望瀛壖越王臺晴

空淨掃雲霧濕

鄧穀原明府傳安以經說數種見質因題其卷

古書正僞黑白分後儒疑信徒紛紜翻疑周官多傳會

却信尚書假古文深閉固距恐見破涖官行政何由循
鄧先誦經通漢學不爲諛佞爲忠臣周禮條攷窺制作
爾疋旁證疏典墳士不通經不足用何幸今逢井大春
其他文筆盡雅馴故爾吏治還真淳我生顓愚已毫及
刀筆筐篋勞心神衆人皆利我獨鈍一語不俗遭其嗔
逢君如覩古彝鼎欸篆畧識商周秦讀之累月未通曉
每送一解如披雲君持此義入報最斷疑出謀尊所聞
爲菽原明府題其尊甫漢中太守祀名宦祠錄

甌東赤紫令經術飾吏治治譜由家傳清芬誦誰嗣廉
平重漢書武健黜史記廩廩君子風恂恂長者誼緬維

漢中守召杜令無二起家自邑宰到處孚民志導德斯
緩刑除弊即興利不爲烜赫名獨切拊循意庚桑允尸
祝甲令垂表示閭俗號難平治法苦不易豈知秉夷良
非與鄒魯異但得賢有司便可安無事休戚當察眉慘
礪實酸鼻願一雪斯言庶以風有位

六十九初度同吳荷屋登烏石山四首

彈指經周甲迴頭又九齡揮戈難逐日判牘輒披星階
下多無告豪端若有靈 恩言猶在耳垂老尚書屏

承乏三司任分曹一月期

新權藩司一月

曲纔吹別調局更理

殘碁陳迹跳丸過前程夢蝶知越王臺外望蓬閣近天

池

避客金蘭合登高玉塵揮雲聯松鶴舞風送紙鳶飛宦

海無時機道山何日歸

烏石山一名道山

菊花遲未放把酒對

斜暉

自覺形枯槁何勞客寫真重陽將近日三徑未歸人但

羨冥鴻影難逢塞鴈賓煩君化工筆蒲柳爲生春

荷屋善畫

題剛顯周處士祠

閩山上祠唐詩人周朴朴殉黃巢難宋張浚奏請祠額曰剛顯

仙山六丁挾雷電立掣向陽峯倒轉鄰霄臺宇屹然高

海上百靈護剛顯峯頭題字薛陶臣那及狂吟不屈人

廣明羣盜正糜沸絕嶠孤忠獨嶙峋縱然黃雀銜將去

至今化鶴留精魂長嘯一聲扶桑曉啼鳥落花何足云
荒祠迥出雲烟外夕陽自攝衣冠拜底須推擇主客圖
不在詩章在節概

題吳渭泉

簾

觀察槽搖背指菊花開圖四絕句

丹崖翠壁畫圖開打槳如飛出峽來喜得榜人回首望
不然坐失冷香堆

使君性澹愛黃花老圃踈籬共一家造物憐君敦宿好
故教晚遇燦霜葩

楓葉聲中記壯遊治鄰彭澤更風流莫嫌不學歐陽九
埽却春花獨傲秋

菊花於我是前身恰遇苔岑話倍真正欲陶然期把琰

一枝柔艣又江津

余方有關中之行

蒙

恩擢任陝藩恭紀二首

忽報顏光祿來言有

詔書七閩方就理五月又新

除本作同功繭今爲縱壑魚

君恩於爾渥執手重

踟躕

恩命驚聞際難禁涕泗零特蒙加重任尤欲趁衰齡曉

漏心如月秋風鬢已星莫言筋力竭馳驟那能停

次韻韓樹屏學使

鼎晉

送別四首

珠玉光聯霄漢間戴匡曾徧照秦關閩南常相重敷教

朝右端公本峻班士氣三熏沾化雨臺評十議副名山

三百

平

三十三峯上遙指星軺佇

召還

君有內轉司空之下

能餐鮮荔即登仙七十遭逢事可傳更喜瞻韓同御李

何期適郢又之燕功名蔗尾庸非勝風味鱸魚却自賢

被 詔東游復西笑追趨數月亦前緣

莫倚踈狂逞快譚周爰咨度靳從驂輶軒舊采漢三輔

屏翰長懷詩二南素播夏聲人自足奉宣 德意俗

宜諳江東行過浮家地不敢依遲倚屋枬

秋老榕城葉自青澹雲踈雨出郊亭陽關獨唱聲三疊

祖帳親攜酒一經臣力最殘空戀棧
君恩勤重存
書屏相思此去河山隔風起如聞鴈墮鈴

疊韻倪竹泉觀察寄別二首

樓船橫海鷺門開蔽芾清陰已徧裁
秋雨蔗收千頃利
春帆貨自百蠻來瘴和自擁蒼精佩
颶息潛消白浪堆
更有閑情追墨妙使君原是碧雞才

火山初熟一樽開同上三樓萬木栽
正喜聯吟從海上
忽聞遷秩自天來藥求叔展香生裏
味咏清容玉作堆
見贈神麴燕窩二種多謝殷勤分陝望
深慙衰朽又簪才

留別閩南三首

去年此日尚空銜齊訝

恩施異等凡景愛桑榆開

晚照才慙舟楫駛征帆敢言期月通民隱却望雲霄濕
客衫非向盍簪輕賦別爲趨

朝命指轂函

記從三接拜

都俞瘴海炎山沛澤敷容駟欲追于

定國移舟應誚蔡君謨往時重典鯨鯢翦此日和風草
木蘇莫道擁城旗鼓列榕陰萬畝蔭郊衢

周行示我賴同僚吏習民安氣不驕倚棹湖邊樓得月
濡毫烟外壁鄰霄釣臺潮接來源近梨岳雲飛去路遙
笑指同攀秋柳處洪山橋是灞陵橋

寄許石華月南兩孝廉

久別平輿淵相思長淮水昨入無諸城瑤華接兩美絕
嶠苦岑寂讀之欣然喜曩季相切劘經學著方軌明年
副旁求郊祁定追媿或以詞章先或以政事始 聖
人方渴賢人文當蔚起慨余實衰頽晚遇慙任使轉因
膺 特達不敢道知止畢竟老無能深恐紛難理良
朋有書緘三復不能已茲者突未黔遷秩戒行李江淮
載經過到處如鄉里因之懷舊遊作詩寄蘭芷

之官陝右別養筠謬二首

來往甌閩暑復寒過門渾似訊平安梅先迎我兩三朵
竹尚干霄十五竿鄰里頗驚遷秩易兒孫都說報

恩難此間縱是菟裘地敢道偷閒歲月寬

浮家卅載乍遷居家具無多尚幾車慎勿寓人來我室
可憐作客愛吾廬階前連理三珠樹樓上題籤萬卷書
儻荷 聖慈容引退角巾仍自占林於

旅店祠竈

嘉平廿三日是夕當送竈遊宦三十年官廨事祈報信
美非吾土旅舍况偶到一宿且一餐爨下尚未埽俗傳
君上天善惡悉陳告客適從何來無由猝致禱因思祭
先炊非同媚於輿蔬菜瓜必齋盆瓶尊有芼草具未能
忘踞觚焉敢傲造次必於斯庶幾神所勞

入潼關三絕句

閩南遷秩向西秦
函谷東來已近春
關吏尚能相識否
廿年前是棄繻人

昔年轉餉赴皋蘭
寇警防關整寫鞍
事過時平民物阜
敢誇乘傳作高官

短裘衝雪入關門
四扇橫開望曉暾
見說來牟來歲稔
歡情不倩酒杯溫

臨潼元旦三首

倏逢除舊歲纔得客
新豐載道經三月
停輿驗入風雪
留珠樹碧曉送蠟
鎗紅官吏休迎候
飢盆徧野同

憶向鴻門度曾登繡嶺觀樓臺懷杜牧街市認胡寬分
陝才難副當關寢未安振衣思一浴臨水怯深寒

寒盡春將至

恩高力未酬銀章恭拜

命金穀

慎持籌自合觴婪尾何堪築節樓逍遙遺別業那敢事
清游